



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-109-4/23**
Datum: **29.05.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica - korisnika, «KOPEX-SARAJLIĆ» d.o.o. Srebrenik za donošenje rješenja o vodnoj dozvoli za ispuštanje oborinskih onečišćenih otpadnih voda u prirodni recipijent sa lokaliteta benzinske pumpe, podružnica «Srebrenik 2 – Čehaje» sa pratećim sadržajima u naselju Čehaje, grad Srebrenik, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu «KOPEX-SARAJLIĆ» d.o.o. Srebrenik za ispuštanje oborinskih onečišćenih otpadnih voda u prirodni recipijent sa lokaliteta objekta benzinske pumpe, podružnica «Srebrenik 2 – Čehaje» sa pratećim sadržajima izgrađenog u naselju Čehaje na zemljištu označenom kao k.č. broj: 1086/1 i 1114 K.O. Čehaje, grad Srebrenik.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta benzinske pumpe u naselju Čehaje, grad Srebrenik vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik objekta, za vrijeme trajanja ove dozvole, obezbjeđuje da se onečišćene vode sa prostora pretakališta, saobraćajnih i manipulativnih površina nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode preko okna za monitoring ispuštaju u Faćkin potok sa krajnjim ispustom u rijeku Tinju.
 - 2.3. Prečišćene oborinske onečišćene otpadne vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje oborinskih onečišćenih otpadnih voda (separator ulja i masti, slivne rešetke, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.5. Skladištenje nafte i naftnih derivata vršiti u podzemnom čeličnom rezervoaru zapremine 100m³.
 - 2.6. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH», broj 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.7. U blizini pretakališta, osigurati priručna sredstva za brzu intervenciju u slučaju nekontrolisanog istjecanja, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 2.8. Da se istrošena ulja, zauljeni otpad kao i nastali čvrsti opasni i neopasni otpad redovno odstranjuje prema definisanim radnim uputstvima i sistematskim uputama o privremenom skladištenju i krajnjem zbrinjavanju od strane nadležne organizacije, a prema sačinjenom ugovoru sa istom.
 - 2.9. Da se redovno vrši evidencija o količinama prikupljenih otpadnih ulja, opasnog i neopasnog otpada i evidencija o zbrinjavanju.

- 2.10. Talog iz separatora ulja i masti, opasne materije kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
- 2.11. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjernom mjestu prije ispusta u Fačkin potok u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Rezultate analiza dostaviti ovoj Agenciji.
- 2.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.13. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu i radnom prostoru obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «KOPEX-SARAJLIĆ» d.o.o. Srebrenik podnijelo je ovoj Agenciji dana 21.03.2023. godine zahtjev za izdavanje vodne dozvole za ispuštanje oborinskih onečišćenih otpadnih voda u prirodni recipijent sa lokaliteta objekta benzinske pumpe, podružnica «Srebrenik 2 – Čehaje» sa pratećim sadržajima izgrađenog na zemljištu označenom kao k.č. broj: 1086/1 i 1114 K.O. Čehaje, grad Srebrenik.

U provedenom postupku, dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra bez broja izdatog dana 04.08.2022. godine od strane Općinskog suda u Tuzli,

- Ovjerena kopija Rješenja o izmjenama podataka u sudski registar broj:032-0-Reg-19-000738 izdatog dana 14.05.2019. godine od strane Općinskog suda u Tuzli,
- Ovjerena kopija Uvjerjenja o poreznoj registraciji izdatog dana 23.05.2019. godine od strane Porezne uprave Federacije BiH – Kantonalni porezni ured Tuzla,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-84684/19 izdatog dana 24.05.2019. godine od strane Službe za statistiku za područje Tuzlanskog kantona,
- Kopija Rješenja o naknadnom odobrenju za građenje broj: 08-23-1-1072/17 izdatog dana 18.05.2017. godine od strane Službe za prostorno uređenje i zaštitu okolice Općina Srebrenik (rješenje izdato za «SANČO» d.o.o. Srebrenik),
- Kopija Rješenja o vodnoj dozvoli broj: UP-I/25-3-40-383-4/17 izdatog dana 12.06.2017. godine od strane «Agencije za vodno područje rijeke Save» Sarajevo (rješenje izdato za «SANČO» d.o.o. Srebrenik),
- Kopija Rješenja o odobrenju za upotrebu broj: 08-23-1-1785/17 izdatog dana 15.06.2017. godine od strane Službe za prostorno uređenje i zaštitu okolice Općina Srebrenik (rješenje izdato za «SANČO» d.o.o. Srebrenik),
- Kopija Ugovora o zakupu poslovnog prostora zaključen dana 16.12.2020. godine između «SANČO» d.o.o. Srebrenik i «KOPEX - SARAJLIĆ» d.o.o. Srebrenik,
- Kopija Rješenja o izmjeni rješenja o vodnoj dozvoli broj: UP-I/25-3-40-383-5/17 izdatog dana 21.08.2017. godine od strane «Agencije za vodno područje rijeke Save» Sarajevo (rješenje izdato za «KOPEX - SARAJLIĆ» d.o.o. Srebrenik),
- Kopija Rješenja o okolinskoj dozvoli broj: 12/01-1-23-036386/16 izdatog dana 21.02.2017. godine od strane Ministarstva prostornog uređenja i zaštite okolice Tuzlanskog kantona (rješenje izdato za «SANČO» d.o.o. Srebrenik),
- Glavni projekat-vanjske hidroinstalacije, vodosnabdijevanje, ispuštanje tehnoloških otpadnih voda i sanitarno-fekalnih otpadnih voda poslovno – stambenog objekta namjene stovarište građevinskog materijala, benzinska pumpa sa autopraonicom u naselju Čehaje, općina Srebrenik Investitora «SANČO» d.o.o. Srebrenik urađen od strane «IBIS» d.o.o. Zavidovići (broj: 23-IB-G/17, april 2017.) - na uvid,
- Izvještaj o izvršenoj kontroli tehničke dokumentacije urađen od strane «Zavod za izgradnju» d.d. Banja Luka (broj: 10-23-4/17, april 2017. godine) - na uvid,
- Kopija Ugovora broj: 082-01/20 o izvođenju radova na čišćenju separatora zaključen dana 24.01.2020. godine između «KOPEX - SARAJLIĆ» d.o.o. Srebrenik i «KEMIS» d.o.o. Lukavac (prilog – transportni list o čišćenju separatora broj: 086-04/20 od 29.01.2023. godine sa radnim nalogom),
- Kopija Ugovora broj: 437-01/23 od o izvođenju radova na čišćenju separatora zaključen dana 26.05.2023. godine između «KOPEX - SARAJLIĆ» d.o.o. Srebrenik i «KEMEKO» d.o.o. Lukavac,
- Kopija Izvještaja broj: 1073/22 o monitoringu kvaliteta i kvantiteta otpadnih voda za BP «KOPEX - SARAJLIĆ» d.o.o. Srebrenik podružnica «Srebrenik 2 – Čehaje» urađenog u juli 2022. godine od strane «Inspekt-RGH» d.o.o. Sarajevo,
- Kopija Zahtjev za izdavanje vodne dozvole za korištenje vode i ispuštanje sanitarno-fekalnih voda upućenog dana 17.04.2023. godine Ministarstvu poljoprivrede, šumarstva i vodoprivrede Tuzlanskog kantona,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog objekta benzinske pumpe u naselju Čehaje, grad Srebrenik i tom prilikom je sačinjen Zapisnik o uviđaju broj: UP-1/21-3-40-109-3/23 od 23.05.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat benzinske pumpe lociran je uz magistralnu cestu put M1.8 Tuzla-Orašje u naselju Čehaje, grad Srebrenik. Isti je izdat pod zakup od strane preduzeća «SANČO» d.o.o. Srebrenik. U sklopu izgrađenog kompleksa, osim prodajnog objekta pumpe, nadstrešnice sa automatima za istakanje goriva i podzemnog rezervoara za skladištenje goriva izgrađena je

samouslužna autopraonica kao mehaničarska radionica (nisu predmetom zakupa) te isti nisu predmetom ovog vodnog akta.

- Za smještaj nafte i naftnih derivata, uz benzinsku pumpu, izgrađen je čelični, dvoplašni, podzemni rezervoar kapaciteta 100m³.
- Onečišćene oborinske vode sa radnih, saobraćajnih i manipulativnih površina se prikupljaju sistemom linijskih slivnih rešetki, uličnih slivnika i kanalizacione mreže odvode na tretman u separator masti i ulja sa koalescentnim filterom. Nakon tretmana, prečišćene vode se, preko okna za monitoring ispuštaju u recipijent – Fačkin potok sa krajnjim ispustom u rijeku Tinju. Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima i slivnim rešetkama.
- Snabdijevanje vodom za sanitarne potrebe i hidrantsku mrežu obezbijeđeno je priključkom na gradski vodovodni sistem kojim upravlja JP Vodovod i kanalizacija «Srebrenik» d.d. Srebrenik. Prikupljene sanitarno-fekalne otpadne vode se ispuštaju u gradski kanalizacioni sistem kojim upravlja JP Vodovod i kanalizacija «Srebrenik» d.d. Srebrenik. Za zahvat vode i ispuštanje sanitarno-fekalnih otpadnih voda je od strane Ministarstva poljoprivrede, šumarstva i vodoprivrede Tuzlanskog kantona izdato Rješenje o vodnoj dozvoli broj: 04/1-13-25-18048/17 dana 05.06.2017. godine (podnesen zahtjev za izdavanje nove vodne dozvole).
- Oborinske vode sa krova objekta se prikupljaju zasebnim kanalizacionim sistemom sa ispustom u Fačkin potok.
- Monitoring otpadnih voda se vrši redovno. Na uvid je dostavljen Izvještaj o monitoringu kvaliteta i kvantiteta otpadnih voda urađen u juli 2022. godine od strane «Inspekt-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u okoliš i sisteme javne kanalizacije.
- Sa firmom «KEMEKO» d.o.o. Lukavac potpisan je novi ugovor o čišćenju separatora i zbrinjavanje opasnog otpada.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta benzinske pumpe podružnica «Srebrenik 2 – Čehaje» i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta benzinske pumpe u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14).

Konstatuje se da je podnosilac zahtjeva, «KOPEX-SARAJLIĆ» d.o.o. Srebrenik ispunio minimum uslova za izdavanje vodne dozvole za ispuštanje oborinskih onečišćenih otpadnih voda u prirodni recipijent sa lokaliteta objekta benzinske pumpe podružnica «Srebrenik 2 – Čehaje» u naselju Čehaje, grad Srebrenik, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-109-2/23 od 18.04.2023. godine.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih такси («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata


Haris Ališehović, dipl.ing.građ.

Dostaviti:

- «KOPEX-SARAJLIĆ» d.o.o. Srebrenik
ul. Ivana Markovića Irca bb, 75350 Srebrenik
- AVP, ISV – Vodna knjiga
- Sektor 50,
- Sektor 40, arhiva
- Oglasna ploča – AVP Sava